

432
4941

女科秘旨

影印古本醫學叢書之五
上海中醫書局發行

心齋

1941



女

科

秘

音



南京中医药大学图书馆版权所有

(一) 清代名醫醫案精華
(二) 清代名醫醫話精華

右二大名著。售罄已久。

今詳加校訂。再版出書。

每種四厚冊。錦盒裝配。

定價洋三元。七折發售。

郵票九五折。郵費加一成。

總發行所 上海山東路中醫書局

分售處 上海三馬路千頃堂書局



南京中醫藥大學圖書館版權所有

影印古本醫學叢書

- | | |
|--|--|
| <p>第一集</p> <p>難經闡註……丁錦……六角</p> <p>傷寒撮要……王夢祖……二元四角</p> <p>辨脈平脈章句周學海……六角</p> <p>本草衍義……寇宗奭……一元二角</p> <p>女科秘旨……釋輪應……一元二角</p> | <p>第二集</p> <p>難經懸解……黃坤載……六角</p> <p>傷寒尋源……呂櫟村……一元八角</p> <p>金匱鈎玄……朱丹溪……六角</p> <p>醫門補要……趙竹泉……一元八角</p> <p>鍼灸要旨……高武……一元二角</p> |
|--|--|

每集十册仿古裝訂一函定價六元七折

古人著作。每多獨到之處。惜流傳甚鮮。不能普遍。實爲中醫退步之一大原因。本局既負宣傳文化之使命。特將先哲名著之不易得者。彙編古本醫學叢書。以資參攷。已出兩集。照原本影印。絲毫不爽。宜爲中醫界所珍視也。

(附告)本局藏有孤本中醫名著尙多。除陸續選印三四集外。倘各界願以家藏秘笈見惠。俾得蔚爲大觀。不勝歡迎。

上海中醫書局啓



女科祕旨卷一目

安胎論

辨胎歌

養胎

安胎

小產

驗胎散

銀苧酒

東胎散

探胎散

固胎散

東胎丸



保生無憂散

單氏安胎方



北京中医药大学图书馆版权所有

女科祕旨卷一

輪應禪師纂

仁和吳煜茶培校訂

安胎論

凡孕婦脾胃旺氣血充足則胎安產正子亦多壽何用
安胎若氣血衰脾胃弱而飲食少則虛症百出或孕成
數墜而子不壽是必資藥力以助母胎並壽子也夫精
血會凝而成孕精氣蒸胃而遂嘔血少肝虛加愛醋物
胃氣受傷厭阻飲食若人素弱嘔阻橘半量加稟孕而
然竹瀝姜汁胎痛宜緩少加帶壳砂仁胎漏宜涼須用



中醫藥大學圖書館版權所有

地黃生熟至若傾撲動胎下血膠艾宜加怒氣胎遂上
沖木香爲使小便短澇成淋瀝安榮不應用升提若還
滯血流於脬逍遙梔子宜加入子腫面目虛浮而肢體
水氣全生白朮堪醫子煩心驚胆怯而時見悶煩竹葉
安胎可療天仙籐治子氣腳縫水出人虛多用朮參鈴
羊角理子癩項強筋搐應用人參竹瀝脾氣虛而胎壓
尿胞則臍腹痛而小便淋閉安胎飲雖宜法當升提探
吐脾氣弱而轉運淹遲則飲食停而胃家脹嘔安胎飲
力緩加參平胃調和又若胃滿腹脹便閉徧身浮腫鯉

魚湯治胎水攸宜恐脾胃氣虛四君五皮爲佐胎氣上
攻心腹脹痛紫蘇飲療子懸甚當若食少晡熱逍遙加
味相兼柴前梅連爲丸骨蒸勞熱可退當歸六黃作引
盜汗晡熱堪除孕成屢墮因母血弱不能分廕其胎媿
子無氣由母氣虛僅可滋榮於已老夫得其少婦須寡
慾以候經期壯陽若遇衰陰必宜頻藥以全胎力參朮
條芩爲安胎之聖藥芎歸懷熟實補血之良規佐以蘇
葉陳皮可爲常服之方孕成六月之前其胎尙未轉運
茯苓性降不宜多用黃芪肥胎豈可常加香附雖胎喘

宜加久服虛人有害砂仁可止嘔定痛多用動血行胎
歷考丹溪之論不過數言安胎之方止於三四若能加
減治病可以十全八九矣

辨胎歌

肝爲血兮肺爲氣血爲榮兮氣爲衛榮衛和諧胎必成
血衰氣盛未有體寸微關滑尺帶數流利往來如雀啄
孕婦之脈已見形數月懷耽休認錯三部浮沈平正等
尺按不絕胎其確無止方是滑而且散三月胎散者心脈三
月心胞養胎
故爾但滑不散五月母經云婦人手少陰脈動甚者姪也
動如豆厥厥動搖也心主血胎成



則血聚護胎故心脈動或亦有不動而是胎者乃作足少陰非也蓋動者壯婦血盛也不動者弱婦血少也陰搏陽別謂之有子左陰右陽尺陰寸陽沈陰浮陽搏者淤觸於手也胎必熱故脈搏陰者胎之所居也婦人時時衄血而轉筋者軀衄時噫而動者非軀婦人寸口脈衛浮而大榮反弱浮大氣強反弱血少孤陽獨呼陰不能吸二氣不停衛強榮弱積為陰寒陽為聚熱陽盛不潤經絡不足陰虛陽旺故合少血時發喘浙咽燥汗出或洩稠數多吐涎沫乃是重虛津液漏泄經血三月不來名曰居經非軀也諸陽為男諸陰

女左右分明肺腎取左盛男右盛女左左手帶縱兩個

兒右手帶橫一雙女夫乘妻為縱左手脈逆生三男右

手脈盛生三女子乘母為逆氣

又男胎居左女胎居右胎之所居氣血聚焉其脈滑利

而盛故左盛則男右盛則女嘗觀癰癩發上則寸脈盛
發下則尺脈盛發左則左脈盛發右則右脈盛此所以
悟胎居之理也

驗胎散

真雀腦芎

一兩

當歸

全用七錢

爲細末作兩股濃煎膠湯

一盞酒調服服後二三時覺臍腹作動此有胎也
動罷卽愈安穩無虞如不是胎不動所滯惡物自
行如一服不覺再煎紅花湯調下一服必效

探胎散



皂角

去皮

炙甘草

各一錢

黃連

五分

爲末溫酒調服

有胎則吐無胎不吐

一法經水三月不行用川芎

三錢

爲末煎艾湯調

服服後一時腹內微動非胎不動大約尺脈調而
不月水者孕也如經閉脈必不正或不至

養胎

婦人童幼天癸未行之先屬少陰天癸既行屬厥陰天
癸既絕屬太陰或妊娠養胎始於厥陰者是祖氣生化
之原也陰陽配合故次及少陽胆經五行相生正是肝



胆之木次及胞絡三焦之火厯脾胃肺大腸腎膀胱而
終十月之期焉惟手少陰太陽二經無專養者君主之
官無爲而已

一月肝足厥陰經

二月胆足少陽經

三月胞絡手厥陰經

四月三焦手少陽經

五月脾足太陰經

六月胃足陽明經

七月肺手太陰經

八月大腸手陽明經

九月腎足少陰經

十月膀胱足太陽經

按回回國譯天文書七曜相照所屬與前不同今



併載以備參考
初時胎宮極熱將外
膚蒸乾後爲胞衣

一月土星照

二月木星照
色變紅

三月火星照
心肝腦成

四月太陽照
身體全成

五月金星照
毛髮成

六月水星照
舌動口開

七月太陰照
此月胎中有力若
是月生養得長成

八月又土星照
土星性燥胎氣動兒昏
沈是月生養不長成



九月又水星照熱潤有力轉動

十月既足烝全力生

安胎

安胎之法以養血氣理脾胃爲主白朮益脾以培萬物之母條芩固中瀉火氣能滋子戶之陰使火不妄動所以爲安胎聖藥砂仁安胎以其止痛行氣故耳勞神動怒情慾之火俱能墮胎推原其本皆因於熱火能消物造化自然古方謂風冷傷於子宮而墮未達病情者也如慣墮胎之婦或中氣不調食少且不必養血先理脾



胃次服補中益氣湯使氣血自生

因母病而動胎者但治母病其胎自安因胎病而致母病者但安胎則母病自愈胎多在三月分而墮者爾時手厥陰心胞絡主養胎元勞心多慮心胞絡虛不能養胎則墮治宜兼制火用四物湯加黃柏元參白朮條芩左脈微弱身痛夜熱腰痛胎不安屬血虛用四物湯加杜仲黃芩白朮秦芫

右脈寸關大而無力似滑且不流利倦怠懶於言動屬氣虛用補中益氣湯加山藥杜仲條芩

